

Útbúið eftir KKÍ-þing 1980

LÖG KÖRFUKNATTLEIKSSAMBANDS ÍSLANDS

HEITI OG TILGANGUR:

1. grein

Körfuknattleikssamband Íslands (K.K.Í.) er æðsti aðili um öll körfuknattleiksmál innan vébanda Íþróttasambands Íslands (Í.S.Í.). Aðsetur sambandsins skal vera í Reykjavík.

2. grein

Körfuknattleikssamband Íslands er samband körfuknattleiks-ráða, héraðssamband og íþróttabandalaga, og eru öll þau félög innan Í.S.Í. er iðka og keppa í körfuknattleik aðilar að K.K.Í.

3. grein

Starf K.K.Í. er í meginatriðum:

- a) Að hafa yfirstjórn allra íslenskra körfuknattleiksmála.
- b) Að vinna að eflingu körfuknattleiks á Íslandi og vera aðili að Alþjóðakörfuknattleikssambandinu (F.I.B.A.).
Með hæfilegum fyrirvara skal K.K.Í. tilkynna framkvæmdastjórn Í.S.Í. áætlanir sínar og ákvarðanir um samskipti við útlönd.

SKIPULAG:

4. grein

Málefnum K.K.Í. stjórna:

- a) Körfuknattleikspingið.
- b) Stjórn K.K.Í.

KÖRFUKNATTLEIKSPINGIÐ:

5. grein

Körfuknattleikspingið fer með æðsta vald í málefnum K.K.Í. Þingið sitja fulltrúar frá þeim aðilum sem mynda K.K.Í. Fulltrúafjöldi hvers aðila fer eftir tölu virkra körfuknattleiksmanna og kvenna þannig, að fyrir allt að 50 iðkendum koma 2 fulltrúar og síðan 1 fyrir hverja 50 eða brot úr 50 upp í allt að 200 félagi og þá 1 fulltrúi að auki fyrir hverja 100 félagi þar fram yfir.

Til þingsins skal boða bréflega með minnst 6 vikna fyrirvara. Málafni, sem sambandsaðilar óska að tekin verði fyrir á þinginu, skulu tilkynnt stjórn K.K.Í. minnst 21 degi fyrir þing. Þá skal stjórn K.K.Í. kynna sambandsaðilum dagskrá þingsins ásamt ársskýrslu stjórnar í síðasta lagi 10 dögum fyrir þing.

Körfuknattleiksþingið er lögmat, ef löglega hefur verið til þess boðað.

6. grein.

Á körfuknattleiksþinginu hafa aðeins kjörnir fulltrúar atkvæðisrétt. Auk þeirra eiga rétt á þingsetu og hafa þar málfrelsi og tillögurétt:

- a) Stjórn og varastjórn K.K.Í.
- b) Endurskoðendur K.K.Í.
- c) Forseti og varaforseti Í.S.Í.
- d) Framkvæmdastjórn K.K.Í. og Í.S.Í.
- e) Allir nefndarmenn fastanefnda K.K.Í.
- f) Meðlimir dómastóla K.K.Í.
- g) Formaður Olympíunefndar Íslands.
- h) Íþróttafulltrúi ríkisins.

Auk þess getur stjórn K.K.Í. boðið öðrum aðilum þingsetu, ef hún telur ástæðu til.

Aðeins sá sem er í körfuknattleiksfélagi innan sérráðs eða héraðssambands, er kjörgengur fulltrúi þess á körfuknattleiksþingi. Hver fulltrúi hefur aðeins 1 atkvæði.

Þó má heimila, að fulltrúi fari, undir sérstökum kringumstæðum (langt eða dyrt að sækja þingið, eða annar fulltrúi veikur eða forfallast á síðustu stundu frá að sækja þingið) með fleiri en 1 atkvæði, en aðeins með atkvæði þess aðila-sérráðs eða héraðssambands (félags), sem hann er fulltrúi fyrir. Þó gildir þessi undanþága ekki um fulltrúa þeirra aðila, sem heima eiga þar, sem þingið er háð.

Umboð, sem jafnframt er beiðni til þingsins um að fulltrúi megi fara með fleiri en eitt atkvæði, verður að vera skriflegt og vera frá stjórn hlutaðeigandi sambandsaðila.

Allir þingfulltrúar skulu hafa kjörbréf.

7. grein.

Aukapíng má halda, ef nauðsyn krefur eða helmingur sambandsaðila óskar þess.

Alla boðunar og tilkynningarfresti til aukapíngs má hafa helmingi styttri en til reglulegs þings. Fulltrúar á aukaþingi eru þeir sömu og voru á næsta reglulega þingi á undan og gilda sömu kjörbréf. Þó má kjósa að nýju í stað fulltrúa, sem er látinn, veikur eða fluttur úr héraðinu, eða er forfallaður á annan hátt. Á aukapíngi má ekki gera laga- eða leikreglnabreytingar og ekki kjósa stjórn nema bráðabirgða-stjórn, ef helmingur kjörinnar stjórnar hefur sagt af sér eða hætt störfum af öðrum orsökum, eða að stjórnin að eigin dómi orðin óstarfhæf.

Að öðru leyti gilda um aukapíng sömu reglur og um reglulegt körfuknattleiksþing.

8. grein.

Störf körfuknattleiksþings eru:

- 1) Þingsetning.
- 2) Kosnir fastir starfsmenn þingsins.
- 3) Kosnar fastar nefndir:
 - a) Kjörbréfanefnd,
 - b) Fjárhagsnefnd,
 - c) Laga- og leikreglna'efnd,
 - d) Allsherjarnefnd,
 - e) Kjaranefnd.

Nefndir þessar eru skipaðar 3 mönnum hver. Er bréfritari sjálfkjörinn formaður kjörbréfanefndar.

- 4) Fráfarandi stjórn gefur skýrslu sína.
- 5) Gjaldkeri leggur fram endurskoðaða reikninga sambandsins til samþykktar.
- 6) Stjórnin leggur fram fjárhagsáætlun fyrir næsta ár.
- 7) Lagðar fram laga- og leikreglnabreytingar þær, sem fram hafa komið.
- 8) Teknar til umræðu aðrar tillögur og önnur mál, sem borist hafa til stjórnarinnar.

- Þinghlé -

- 9) Nefndarálit og tillögur og atkvæðagreiðsla um þær.
- 10) Önnur mál.
- 11) Kosnir 3 menn í körfuknattleiksdómstól og 3 til vara.
- 12) Kosning 1 manns í aganefnd til 3ja ára.
- 13) Kosning 3ja manna í nefnd samkvæmt reglugerð um erlenda leikmenn.
- 14) Kosning stjórnar, varastjórnar, endurskoðenda, og fulltrúa á íþróttþing.
- 15) Þingfundargerðir lesnar og staðfestar.
- 16) Þingslit.

Fái fleiri en þeir, sem kjósa á, jafnmörg atkvæði, skal kjósa um þá á ný, bundinni kosningu. Verði þeir enn jafnir, ræður hlutkesti. Einfaldur meirihluti ræður úrslitum, nema um lagabreytingar sé að ræða, þá þarf 2/3 hluta greiddra atkvæða. Þingið getur með 2/3 atkvæða viðstaddra fulltrúa leyft að taka fyrir mál, sem komið er fram, eftir að dagskrá þingsins var send sambandsaðilum (sbr. 5. gr. 4. málsgreinar).

Ársskýrslu K.K.Í., sem stjórnin skal leggja fjölritaða fyrir þingið svo og ágríp af fundargerðum þingsins, skal senda framkvæmdastjórn Í.S.Í. og sambandsaðilum K.K.Í. innan tveggja mánaða frá þingslitum.

9. grein.

Stjórn K.K.Í. fer með æðsta vald í málefnum sambandsins milli þinga. Stjórn K.K.Í. skipa 5 menn, sem kjörnir eru leynilegri kosningu til eins árs í senn. Ennfremur skal kjósa tvo varamenn í stjórn K.K.Í. til eins árs í senn og taka þeir sæti í stjórninni í sömu röð og þeir eru kosnir. Til þess að ná kjöri sem formaður, þarf meirihluta greiddra atkvæða. Náist ekki meirihluti við fyrstu kosningu, skal kjósa á ný bundinni kosningu um þá tvo menn sem flest atkvæði hlutu. Ræður þá einfaldur meirihluti atkvæða úrslitum.

Við kjör annarra stjórnarmanna og varamanna gildir sú regla, að þeir sem flest atkvæði fá eru rétt kjörnir. Stjórnin skiptir með sér verkum að öðru leyti en ákveðið er í þessum lögum.

Stjórn K.K.Í. er heimilt að ráða launað starfsfólk m.a. framkvæmdastjóra og skal stjórnin setja honum erindisbréf. Reikningsár K.K.Í. er frá 1. maí til 30. apríl. Aðsetur stjórnar er í Reykjavík.

10. grein.

Stjórn K.K.Í. skal strax að loknu Körfuknattleikspingi skipa eftirtaldar nefndir:

- Mótanefnd,
- Dómaranefnd,
- Landsliðsnefnd,
- Unglinganefnd,
- Fjárhagsnefnd,
- Útbreiðslu- og tækninefnd.

Hver nefnd skal skipuð þremur mönnum nema annað sé ákveðið í reglugerð. Stjórn K.K.Í. getur heimilað formönnum nefnda að skipa sérstakar undirnefndir til að annast afmörkuð verkefni.

Stjórn K.K.Í. skal setja öllum nefndum skipunarbréf. Í upphafi starfsárs skulu nefndir gera starfsáætlun og skal hún lögð fyrir stjórn K.K.Í. til staðfestingar. Nefndir hafa ekki sjálfstæðan fjárhag nema stjórn K.K.Í. ákveði annað í skipunarbréfi.

Framkvæmdastjóri K.K.Í. er starfsmaður nefndanna.

11. grein.

Öll aðildarfélag K.K.Í. eiga rétt á að tilnefna mann í Allsherjarnefnd K.K.Í. Í henni eiga einnig sæti stjórnarmenn K.K.Í.

Allsherjarnefnd skal boða til funda minnst þrisvar á meðan Íslandsmót stendur. Eigi skal líða lengri tími en þrjú mánuðir milli funda nefndarinnar. Formaður K.K.Í. boðar nefndina til fundar og stjórnar fundum hennar. Allsherjarnefnd er vettvangur umræðu um vandamál körfuknattleiksins. Hún er stjórn K.K.Í. einnig ráðgefandi um lausn ýmissa vandamála sem koma upp milli Körfuknattleikspinga.

12. grein.

Starfssvið stjórnar K.K.Í. er:

1. að framkvæma ályktanir Körfuknattleikspingsins.
2. að vinna að stofnun nýrra sérráða í samráði við hlutaðeigandi héraðssamband.
3. að vinna að eflingu körfuknattleiks í landinu.
4. að semja leikreglur og reglugerðir fyrir körfuknattleik er jafnan séu í nauðsynlegu samræmi við alþjóðareglur.

5. að taka ákvarðanir um veitingar heiðursmerkja og viðurkenninga.
6. að senda framkvæmdastjórn Í.S.Í. lögboðnar skýrslur.
7. að líta eftir því að lög og leikreglur K.K.Í. séu haldin.
8. að setja nauðsynleg bráðabirgðaákvæði.
9. að skera úr ágreingngi um körfuknattleiksmál.
10. að hafa yfirumsjón með landsmótum.
11. að raða niður og ákveða stað og tíma fyrir alþjóðamót, sem haldin eru á Íslandi.
12. að samþykkja þátttöku íslenskra körfuknattleiksliða í alþjóðamótum erlendis.
13. að koma fram erlendis f.h. körfuknattleikshreyfingarinnar í landinu.

Stjórn K.K.Í. skal hafa samráð við stjórnir sérráða og framkvæmdastjórn Í.S.Í. við ákvörðun á alþjóðamótum sem haldin eru hérlendis, svo og landsmótum.

13. grein.

Formaður K.K.Í. boðar stjórnarfundir og stjórnar þeim.

14. grein.

Körfuknattleiksráðin (héraðssamböndin) eru milliliðir milli félaga sinna og stjórnar K.K.Í. Þau skulu og senda henni allar skýrslur um mót, sem haldin eru innan umdæmisins. Þessar skýrslur skulu sendast innan mánaðar eftir að mótinu lauk. Ársskýrslur sínar um störf sérráðsins (héraðssambandsins) og tölu virkra körfuknattleiksmanna í umdæminu skulu þau senda stjórn K.K.Í. fyrir 1. ágúst ár hvert. Á þeim byggist fulltrúaréttur og fulltrúafjöldi þeirra á körfuknattleikspinginu, sbr. 5. gr.

15. grein.

Í ársskýrslu sinni til Körfuknattleikspings skal stjórn K.K.Í. jafnan gera grein fyrir, hverjar tillögur hún hafi gert til sambandsráðs um úthlutun kennslustyrkja.

16. grein.

Stjórn K.K.Í. hefur frjálstan aðgang að öllum körfuknattleiksmótum og sýningum, sem fram fara innan vébanda K.K.Í. Einnig á hún rétt á að sitja aðalfundi sérráða, dómarafélaga og héraðssambanda sem eru aðilar að sambandinu.

DÓMSTÓLL K.K.Í.

17. grein.

Dómstóll K.K.Í. skal skipaður 3 aðalmönnum og 3 varamönnum kjörnum á körfuknattleikspingi samkv. 8. gr. 15. lið. Dómstóllinn kýs sér formenn og starfar að öðru leyti samkv. dóms- og refsiaðvæðum Í.S.Í. og reglugerður K.K.Í.

18. grein.

Tillögur um að leggja K.K.Í. niður má aðeins taka fyrir á lögmatu körfuknattleikspingi. Til þess að samþykka þá tillögu þarf minnst 3/4 hluta atkvæða. Hafi slík tillaga verið samþykkt, skal gera öllum sambandsaðilum grein fyrir henni í þingskýrslunni, og tillagan síðan látn ganga til reglulegs þings. Með fulltrúakjöri sínu til þess þings taka aðilar afstöðu til tillögunnar. Verði tillagan samþykkt öðrusinn, er það fullgild ákvörðun um að leggja K.K.Í. niður. Ákveður það þing síðan hvernig ráðstafa skuli eignum K.K.Í. en þeim má aðeins verja til eflingar körfuknattleiksíþróttarinnar í landinu.

19. grein.

Lög þessi öðlast gildi þegar sambandsráð Í.S.Í. hefur staðfest þau.

REGLUGERÐ UM KÖRFUKNATTLEIKSMÓT.

1. grein.

Aðeins félag innan Körfuknattleikssambands Íslands (KKÍ) og ÍSÍ eiga rétt til að taka þátt í opinberum körfuknattleiksmótum. Öll körfuknattleiksmót og körfuknattleikir skulu fara fram samkvæmt lögum ÍSÍ og sérreglum um körfuknattleik.

Samþykktir Alþjóðakörfuknattleikssambandsins (FIBA) eru bindandi fyrir KKÍ.

2. grein.

Íþróttamaður eða leikmaður æfir sig og keppir á eigin ábyrgð og ber framkvæmdastjórn viðkomandi móts enga ábyrgð á, þótt hann meiðist eða verði fyrir slysi í keppni.

3. grein.

Liðgengir til þátttöku í körfuknattleiksmótum eru áhugamenn sem verið hafa félagar í því félagi sem þeir keppa fyrir, í minnst 1 mánuð, áður en kappleikur fer fram. Þó er leikmanni sem ekki hefur leikið með sínu gamla félagi á keppnistímabilinu, heimilt að leika með nýju félagi strax eftir afhendingu tilkynningar um félagaskipti. Óheimilt er að tilkynna félagaskipti frá 15. febrúar til loka keppnistímabilsins.

Kjósi leikmaður að segja sig úr félagi skal hann leggja fram vottorð frá gamla félaginu, undirritað af honum sjálfum og einum stjórnarmanni félagsins. Einnig skal koma fram að leikmaður sé skuldlaus við félagið. Félagaskipti miðast við mót-tökudag tilkynningar hjá KKÍ. Ef leikmaður hyggst leika með erlendu liði, skal tilkynna K.K.Í um þá ákvörðun sína og er honum ekki heimil keppni erlendis fyrir en K.K.Í. hefur gefið út eða mótttekið og samþykkt tilkynningu um félagaskiptin. Um íslenska leikmenn sem leikið hafa með erlendu liði gildir að þeir eru hlutgengir að nýju hér á landi þegar stjórn K.K.Í. hefur staðfest félagaskiptin.

Heimila skal einum erlendum leikmanni að leika með hverju meistaraflokksliði að fengnu leyfi KKÍ sbr. reglugerð um erlenda leikmenn.

Um félagaskipti íslenskra leikmanna, sem leika með erlendum liðum sem eru aðilar að FIBA, gilda gömu reglur og um þá sem leika með íslenskum liðum.

Verða slíkir leikmenn löglegir strax að undangengnu samþykki stjórnar K.K.Í., án nokkurra búsetuákvæða og sé farið að reglum F.I.B.A.

4. grein

Allir leikmenn sveitar skulu vera í eins litum búningum og getur dómari vikið hverjum þeim leikmanni af leikvelli er ekki fylgir þessu ákvæði. Búningar skulu vera númeraðir. Hverju liði er skylt að hafa yfir að ráða tvenns konar búningum, öðrum ljósum, en hinum dökkum að lit. Heimalið skal ávallt leika í ljósum búningum, nema um annað sé sérstaklega samið.

5. grein

Viðkomandi dómarafélag eða körfuknattleiksráð þar sem dómarafélag er ekki starfandi, skipar dómara og varamenn þeirra, tímaverði og ritara. Skal það gert með nægum fyrirvara, og gildir það sama mót og einstaka leiki (heimsóknir o.s.frv.).

Velja skal óhlutdræga dómara og starfsmenn sem eru vanda sínum vaxnir hverju sinni.

Heimilt er hvoru félagi að hafa einn mann við ritara- og tíma- varðarborð á leikjum.

Skal framkvæmaraðili sjá þessum mönnum fyrir aðstöðu og eru þeir starfsmenn leiksins.

Dímarar skulu hafa lokið tilskildu prófi, en veita má undanþágu, ef sérstaklega stendur á, og skera viðkomandi yfirvöld úr því.

Dómari, sem fer til starfa út fyrir sitt heimahérað, skal fá friðar ferðir, fæði og gistingu sem greiðist af heimaliði.

Ferðist dómari á eigin bifreið skal honum greitt ákveðið gjald fyrir hvern ekinn km. Gjaldið skal ákveða árlega af dómaranefnd KÍ og hljóta staðfestingu stjórnar KÍ.

Verði dómari vegna veðurs eða annarra ófyrirsjáanlegra atvika að vera burtu frá sínu heimahéraði á vinnudegi, skal hann eiga rétt á greiðslu úr hendi þeim aðila, sem stendur fyrir leiknum.

Greiðslan skal miðast við almenn dagleauð verkamanna.

6. grein.

Aðeins áhugamönnum er leyfilegt að keppa á innlendum körfuknattleiksmótum, nema leyfi ÍSÍ og KÍ sé fyrir hendi og hafi þessir aðilar áður ráðgast um hverju sinni við FIBA.

7. grein.

Körfuknattleiksmönnum er skipt í flokka sem hér segir:

a) konur.

- | | |
|------------------|-----------------|
| 1. aldursflokkur | 18 ára og eldri |
| 2. " | 15-16-17 ára |
| 3. " | 12-13-14 ára |

b) karlar.

- | | |
|------------------|------------------|
| 1. aldursflokkur | 20 ára og eldri. |
| 2. " | 18 og 19 ára |
| 3. " | 16 og 17 ára |
| 4. " | 14 og 15 ára |
| 5. " | 12 og 13 ára |

BR. 1981 Öldungadeild 36 ára og eldri

Minnibolti miðast við 11 ára og yngri.

Aldur miðast áramót, þannig að verði leikmaður 20 ára eftir áramót, er honum heimilt að leika með 2. flokki út keppnistímabilið, en flutningar milli flokka skulu fara fram í september ár hvert.

Hverjum flokki má skipta í sveitir eftir styrkleika (A-B-C o.s.frv) þó er félagi aðeins heimilt að senda eitt lið til keppni í meistara-flokki bandalags eða Íslandsmótsins. Leiktími í opinberum körfuknattleiksmótum og leikjum er:

- 1.aldursfl. 40 mín., 20 mín. hvor háfl. og 10 mín. hlé.
- 2.aldursfl. 40 mín., 20 mín. hvor háfl. og 10 mín. hlé.
- 3.aldursfl. 36 mín., 18 mín. hvor háfl. og 5 mín. hlé.
- 4.aldursfl. 30 mín., 15 mín. hvor háfl. og 5 mín. hlé.
- 5.aldursfl. Fyrri háfl. 2x10 mín., klukka ekki stöðvuð, 1 mín. hlé á milli, ekki skipt um körfu. Skytt er að nota 10 leikmenn í fyrri háflek til að ná bónusstigi.

Síðari háfl. 1x12 mín og klukkan stöðvuð samkvæmt körfuknattleiksreglum og innáskiptingar leikmanna leyfðar samkvæmt körfuknattleiksreglum. Leikhlé er leyft 1x hjá hvoru liði. Hlé milli hálfleikja er 5 mín.

Bónusstig: Ef lið notar 10 leikmenn í 5.fl. fær það 1 "bónusstig"
Dæmi: Við sigur fær lið þá 3 stig og tapi lið fær það 1 stig.
Körfur og knöttur fkulu vera eins og hjá 4.aldursflokki.

8.grein.

Leikmaður má aldrei leika með yngri aldursflokki en honum ber. Heimilt er þremur leikmönnum yngri aldursflokks að leika hverju sinni með öllum aldursflokki fyrir ofan sinn eigin. Heimilt er hverjum þeim leikmanni sem er í 2 flokki að leika með 1.flokki. Óbundinn að fjölda.
Tíu (10) leikflestu menn meistaraflokks á hverju keppnistímabili mega ekki keppa með 1.flokki. Séu fleiri en 3 menn með jafnmarga leiki í 10.sæti, má aðeins nota 2 þeirra í 1.flokki.

9.grein.

Heimboð erlendra körfuknattleiksliða og utanferðir sambandsaðila skulu vera í samþykki KKÍ og ÍSÍ Heimsóknir milli félaga og landshluta skulu fara fram með leyfi viðkomandi körfuknattleiksráðs.
Félag, sem hefur í hyggju að leika við útlent félag, skal sækja um leyfi þar um til ÍSÍ og KKÍ ?

10.grein.

Félögum innan KKÍ og ÍSÍ er heimilt að stofna til keppni innan ákveðinna svæða t.d. eins bandalags eða fleiri, svonefndra bandalagsmóta, að fengnu leyfi ÍSÍ og KKÍ Með umsóknum um leyfi til keppni skulu fylgja eftirfarandi upplýsingar:

- a. Nafn keppninnar.
- b. Hvaða félag hafi rétt til keppninnar.
- c. Hvort keppt skuli samkvæmt útsláttaraðferðinni (úr eftir tapaðan leik) eða eftir flokkakerfinu.
- d. Hvort keppt sé um verðlaun.

Nótanefndum er óleyfilegt að breyta ákvæðum um viðkomandi mót.

11. grein.

Landsmót karla í meistaraflokki innanhúss, skal vera í þremur deildum. Úrvalsdeild skal skipuð sex liðum sem leiki fjórfalda umferð.

I. deild skal skipuð fimm liðum sem leiki fjórfalda umferð.

II. deild skal skipuð þeim aðilum sem ekki eiga lið í úrvalsdeild eða I. deild.

Tilkynni átta eða færri aðilar þátttöku skal leika í einni deild.

Sigurvegarar í I. deild öðlast rétt til þátttöku í úrvalsdeild næsta leikár á eftir. Sigurvegarar í II. deild öðlast á sama hátt rétt til að leika í I. deild næsta leikár á eftir. Sá aðili er fæst stig hlýtur í Úrvalsdeild fellur í I. deild og leikur þar næsta leikár á eftir. Á sama hátt fellur lið sem fæst stig hlýtur í I. deild í II. deild og leikur þar næsta leikár á eftir. Taki einn deildaraðili ekki þátt í keppninni fellur hann sjálfkrafa niður um eina deild.

Sá aðili, sem sigrar í Úrvalsdeild hlýtur sámdarheitið "Íslandsmeistari" og gildir hið sama um sigurvegara í I. deild Íslandsmóts í meistaraflokki kvenna.

Sérráð eða þar til kvödd mótanefnd skal sjá um mætið.

Meistaramót Íslands skal haldið á tímabilinu 15. október (BR.1981 1.017) - 15. apríl.

Verðlaun fyrir meistaramót má ekki afhenda, ef aðeins eitt félag tilkynnir þátttöku. Keppt skal um titilinn.

Mótanefnd er heimilt að skipta landinu í keppnissvæði.

Á hverju keppnissvæði skal starfa sérstök svæðisnefnd, sem er undirnefnd mótanefndar.

Svæðisnefnd sér um framkvæmd svæðiskeppni, sem fram skal fara á tímabilinu október-mars.

Svæðiskeppni fer fram í öllum flokkum nema úrvalsdeild, I. deild karla og I. deild kvenna.

Að loknum svæðakeppnum fer fram sérstök úrslitakeppni.

Mótanefnd annast framkvæmd úrslitakeppni.

I. deild kvenna skipa fjögur lið sem leika fjórfalda umferð.

Neðsta lið deildarinnar leikur við efsta lið II. deildar um sæti í I. deild að ári.

Það lið sem fyrst vinnur tvo leiki hlýtur sæti í I. deild. Stjórn K.K.Í. ákveður fyrirkomulag keppinnar hverju sinni í samráði við viðkomandi félag.

Ákvæði til bráðabirgða fyrir keppnistímabilið 1979-1980.

Þrjú neðstu lið I. deildar falli í II. deild.

Það lið sem er í fimmta sæti I. deildar og sigurvegarar II. deildar skulu leika tvo leiki um sæti í I. deild næsta keppnistímabil.

12. grein.

Um vallarstarð gildir ákvæði Körfuknattleiksreglna, en þó getur K.K.Í. eða viðkomandi körfuknattleikráð, þegar um héraðsmót er að ræða, veitt undanþágu ef sérstaklega stendur á eða ef óskað er. Stjórn K.K.Í. getur einnig veitt undanþágu frá ákvæðum Körfuknattleiksreglna um vallarstarð fyrir þá flokka sem leika í svæðiskeppni sbr. 11. grein.

Úrslitakeppni skal þó fara fram á löglegum völlum.

13. grein.

Áður en leikur hefst skulu þjálfarar liða afhenda ritara útfyllta skýrslu með nöfnum og númerum leikmanna. Að leikslokum undirrita dómara skýrsluna og umsjónar- aðili, eða til mótanefndar K.K.Í. ef keppnin er á þess vegum, innan 24 klst. Vanræksla félags í þessum efnum varðar kr. 3000.- í sekt í hvert skipti. Komi í ljós að leikmaður sé ólöglegur, ber félag hans ábyrgð á því.

14. grein.

Hætti félag þátttöku, sem það hefur áður tilkynnt, getur viðkomandi körfuknattleiksráð eða dómur beitt það fjár- sektum eða útilokun frá leikjum eða mótum. Ef flokkur hefur ekki eða gengur úr leik, skulu dómara skila skýrslu um málið innan 48 klst. til viðkomandi körfuknattleiksráðs. Reynast ástæður ekki gildar, varðar það leiktapi.

15. grein.

Sé kappleik frestað eftir ákvörðun dómara, vegna veðurs eða annarra orsaka, skal hann fara fram næsta dag, sem færst þykir. Félag, sem óskar að fá keppni frestað, skal sækja um það með minnst viku fyrirvara. Þurfi að endurtaka leik, hafa þeir einir rétt til þátt- töku, sem til þess höfðu rétt fyrir upphaflega leikinn.

16. grein.

BIKARKEPPNI

Öllum aðildarfélögum K.K.Í. er heimilt að senda lið til þátttöku í Bikarkeppni K.K.Í. Hvert félag má senda tvö lið til keppninnar í 1.aldursflokki karla A og B lið, tvö lið í 1.aldursflokki kvenna, 1 lið í 3.aldursflokki karla. Keppnin er með útsláttarfyrirkomulagi. Leika skal þar til tvö lið eru eftir og skulu þau leika til úrslita. Fyrir hverja umferð skal draga um hvaða lið skuli leika saman. Það lið sem fyrst dregst, fær heimaleik, þó aldrei tvisvar í röð. Dragist saman tvö lið, sem bæði hafa leikið á heimavelli í næstu umferð á undan, skal draga um hvort liðið fær heimavöll. Þó skal K.K.Í. heimilt að ákveða úrslitaleik. Lið í úrvalsdeild koma til keppni í átta liða úrslitum. Framkvæmd bikarkeppni K.K.Í. er í höndum mótanefndar. Um skiptingu tekna og útgjalda af Bikarkeppni K.K.Í. gilda ákvæði 26. greinar.

17. grein.

FLOKKAKERFISKEPPNI.

Stig skal reikna sem hér segir:

Unninn kappleik skal reikna +2 stig.

Það lið vinnur, sem gerir flestar körfur þ.e.a.s leikur vinnst með 1 stigi t.d. 26:25. Standi leikar jafnir að loknum venjulegum leiktíma skal framlengja í samræmi við gildandi körfuknattleiksreglur.

Það félag, sem fær flest stig samkvæmt framanskráðu vinnur. Náist ekki úrslit á þennan hátt, ber að leika til úrslita.

Taki allt að sex félög þátt í mótí skulu þau keppa öll við eitt og eitt við öll. Verði liðin fleiri en sex, skal keppt í riðlum, 7-12 lið í tveim riðlum, 13-18 í þrem riðlum o.s.frv. Í hverjum riðli keppir einn við alla og allir við einn, en síðan keppa sigurvegarar hinna einstöku riðla til úrslita.

Draga skal flokkana í riðla, en síðan skal númera hvern flokk innan riðlanna og loks keppt eftir töflu þeirri, sem hér fer á eftir:

3 flokkar (3 leikir) 1-2, 1-3, 2-3.

4 flokkar (6 leikir) 1-2, 3-4, 1-3, 2-4, 2-3, 1-4.

5 flokkar (10 leikir) 1-2, 3-4, 1-5, 2-3, 4-5, 1-3,
2-4, 3-5, 1-4, 2-5.

6 flokkar (15 leikir) 1-2, 3-4, 5-6, 1-3, 2-5, 4-6,
1-5, 2-4, 3-6, 1-4, 2-6, 3-5,
1-6, 2-3, 4-5.

Séu flokkarnir svo fáir, að ekki þurfi að keppa í riðlum, er tafla þessi ekki bindandi.

18. grein.

Hvert bandalag innan K.K.Í. skal senda skýrslu um bandalagsmót til K.K.Í. í síðasta lagi 14 dögum eftir að mótinu er lokið.

19. grein.

Leikur vinnst án keppni, sé eitthvert lið ekki mætt 15 mínútum eftir auglýstan tíma í keppni (þ.e.a.s. þann tíma sem viðkomandi liði var tilkynnt að mæta á), nema um sé að ræða óviðráðanlegar ástæður, sem Mótanefnd metur gildar.

Skulu hinir skipuðu dómara kveðja ritara sem vitni og gefa skýrslu til körfuknattleiksráðs innan 24 stunda, að leikur hafi ekki farið fram og greina ástæður.

20 grein.

Kaplleikir eru því aðeins gildir, að farið sé eftir reglum K.K.Í. og Í.S.Í. Körfuknattleiksráð getur bannað, að kaplleikir fari fram, ef sýnt þykir að ekki muni farið eftir gildandi reglum.

21. grein.

Brot gegn reglum þessum varða viðurlögum sem hér segir:

- a. Ef keppandi fullnægir ekki skilyrðum 3 gr. skulu félagi hans dæmdir tapaðir þeir leikir, sem hann tekur þátt í.
- b. Brot á 8. gr. varði leiktapi og ef sannast að leikmaður hafi vísvitandi sagt rangt til um aldur skal hann missa rétt til þátttöku í körfuknattleiksmótum í eitt ár.
- c. Lið, sem hattir leik, áður en dómari gefur merki um að leiktími sé liðinn, má setja í leikbann allt að sex mánuðum, bæði liðið sem heild og hvorn einstakan leikmann og dama í allt að kr. 85.500 í sekt.
- d. Brot gegn 14. gr. varða sektum auk tapaðs leiks, ef forföll eru ekki lögmat. Lágmarks sekt skal vera kr. 35.000.-, en að auki skal hinn brotlegi aðili greiða allan kostnað sem hinn aðilinn hefur orðið fyrir og mótanefnd samþykkir. Þá má setja hinn brotlega aðila í leikbann allt að þremur mánuðum.
- e. Ef kaplleikur er háður í banni viðkomandi körfuknattleiksráðs, skal aðgangseyrir gerður upptækur og renna til viðkomandi ráðs. Ef leikurinn er háður í banni K.K.Í. skal aðgangseyrir renna til K.K.Í.

22. grein.

Auk refsíákvæða þessara reglna, skal eftir atvikum beitt dóms- og refsíákvæðum K.K.Í.

23. grein.

Kærum út af brotum á reglugerð þessari skal skilað til formanns viðkomandi dómstóls, innan 48 klst. frá því brotið var framið. Áfrýjunarfrestur til 2. dómstigs skal vera 7 dagar frá birtingu dóms. Áfrýjunargjald skal vera kr. 2 5.000.-

24. grein.

Þar sem nefnt er ráð eða körfuknattleiksráð í þessum reglum er eins átt við héraðsstjórn, ef ekki er um starfandi körfuknattleiksráð að ræða.

25. grein.

K.K.Í. er heimilt að innheimta ákveðinn hundraðshluta af aðgangseyri að frádregnum kostnaði vegna húsaleigu og dómargjalda, að Íslandsmóti og Bikarkeppni.

- a) Af leikjum Íslandsmóts og Bikarkeppni öðrum en aukaúrslitaleikjum 10%.
- b) Af úrslitaleik Bikarkeppni og aukaúrslitaleikjum Íslandsmóts 15% af aðgangseyri.
- c) Lið skulu hafa greitt þennan hundraðshluta eða sett tryggingu fyrir greiðslu eigi síðar en hálfum mánuði eftir leik.

Einnig getur K.K.Í. innheimt þátttökugjöld af flokkum, sem taka þátt í mótum sem haldin eru á vegum þess.

26. grein.

Félög bera ábyrgð á að framkvæmd heimaleikja þeirra fari fram á eðlilegan hátt. Félag sem vanrakir umsjón með heimaleikjum sínum skal greiða K.K.Í. allt að 25.000.-kr. sekt í hvert skipti.

Félög hirða tekjur af heimaleikjum sínum í Íslandsmóti (sjá þó 25. gr.), þau bera einnig kostnað vegna framkvæmda hans.

Lið sem leikur á útivelli í Íslandsmóti ber allan kostnað vegna ferðalaga leikmanna.

Í Bikarkeppni K.K.Í. gilda eftirfarandi reglur um skiptingu tekna og útgjalda. Frá innkomnu fé vegna sölu aðgöngumiða skal draga kostnað við húsaleigu, dómgæslu og gjald til K.K.Í. sbr. 25. gr.

Verði afgangur af innkomu að því loknu skal greiða af henni ferðakostnað og auglýsingar. Ef enn er afgangur af innkomunni skal skipta henni jafnt milli heimaliðs og útiliðs.

27. grein.

Félög skulu tilkynna þátttöku allra flokka í Íslandsmóti eigi síðar en 1. ágúst.

Þátttöku skal tilkynna skriflega. Tilkynningu um þátttöku skal fylgja Staðfestingargjald 20% af þátttökugjaldi.

Staðfestingargjald er óafturkræft þó félag dragi flokka úr keppni. Eftirstöðvar þátttökugjalds skal félag hafa greitt fyrir 5. september, eða sett fullnægjandi tryggingu fyrir skilvísri greiðslu. Að öðrum kosti teljast viðkomandi flokkar hættir þátttöku.

Frá 5. september er stjórn K.K.Í. heimilt að reikna almenna dráttarvexti af ógreiddum þátttökugjöldum.

Félög skulu tilkynna þátttöku í Bikarkeppni fyrir 1. október. Staðfestingargjald 50% af þátttökugjaldi, skal fylgja tilkynningu. Eftirstöðvar þátttökugjalds skal greiða eigi síðar en viku fyrir fyrstu umferð Bikarkeppninnar.

Lið sem ekki hefur greitt þátttökugjald að fullu, viku fyrir fyrstu umferð telst hætt keppni. Staðfestingargjald er óafturkræft.

28. grein.

Sigurvegurum í Íslandsmóti og Bikarkeppni skal afhenda verðlaunapeninga samkvæmt eftirfarandi reglum.
Í Bikarkeppni K.K.Í. skal afhenda þeim liðum sem leika til úrslita verðlaunapeninga. Hvoru liði 13 peninga.
Í Íslandsmóti skal afhenda verðlaunapeninga þeim liðum sem eru í fyrsta og öðru sæti úrvalsdeildar karla og 1. deildar kvenna. Hvoru liði 15 peninga.
Sigurvegurum annarra flokka í Íslandsmóti skal afhenda 13 peninga.

Reglugerð varðandi auglýsingar á búningum og búnaði
körfuknattleiksliða.

1. Auglýsingin má aðeins varða vörutegundir eða þjónustu, sem ekki vinna gegn hugsjónum íþróttanna. Hvatningarorð verða ekki samþykkt.
2. Hæð auglýsingar má í mesta lagi vera 15 cm.
3. Auglýsingar má aðeins setja á keppnis- og/eða æfingapeysur, skó og töskur (ekki buxur).
4. Umsóknir um staðfestingu á auglýsingasamningi skulu sendar til K.K.Í. í tveim eintökum á þar til gerðum eyðublöðum, ásamt afriti af samningsuppkasti. Staðfestingarþóknun K.K.Í. er kr. 1.000.-. (Athygli skal vakin á því, að fáanleg eru hjá K.K.Í. frumdrög af auglýsingasamningi til hliðsjónar fyrir samningsaðila.)
5. K.K.Í. tekur enga ábyrgð á sig gagnvart viðkomandi samningsaðilum, sem hafa samið auglýsingatillögu, ef nauðsyn bærir til að breyta eða vísa tillögunni frá.
6. Af auglýsingatekjum skal greiða 5% gjald til K.K.Í., ekki síðar en 14 dögum eftir móttöku greiðslu. Tekjum K.K.Í. af gjaldi þessu skal varið til útbreyðslustarfsemi körfuknattleiksíþróttarinnar.
7. Upphæð þá, sem félagið hlýtur fyrir auglýsingu má aðeins nota til starfsemi félagsins og má í engum tilvikum greiða leikmönnum eða leiðtogum. K.K.Í. áskilur sér rétt til að fylgjast með því, að þessari reglu sé fylgt, enda skulu tekjur af auglýsingum þessum greinilega koma fram í reikningum félagsins.
8. Ef reglur þessar eru brotnar, getur dómstóll K.K.Í. dæmt félagi og félögum þess, allt eftir eðli brotsins, áminningu, ávítur eða að greiða skaðabætur. Í mjög grófum eða endurteknum tilvikum skal úrskurða útilokun frá keppni.

REGLUGERÐ FYRIR ÚTBREIÐSLU- OG TÆKNINEFND.

1. Útbreiðslu og tækninefnd er skipuð þremur mönnum. Allsherjarnefnd tilnefnir einn mann í nefndina. Dómaranefnd tilnefnir einn. Stjórn KKÍ skipar einn mann og skal hann vera formaður nefndarinnar. Nefndin skiptir að öðru leyti sjálf með sér verkum.
2. Nefndin skal annast alla upplýsinga- og útbreiðslu- starfsemi á vegum KKÍ. Hún skal einnig fylgjast með öllum nýjungum sem koma í körfuknattleik og miðla þeim til félaga innan KKÍ.
3. Nefndin skal skipuleggja og hafa umsjón með menntun körfuknattleikspjálfa. Hún skal halda námskeið og annast útgáfustarfsemi í þeim tilgangi.
4. Í samvinnu við Dómaranefnd skal Útbreiðslu og tækninefnd skipuleggja og hafa umsjón með námskeiðum fyrir dómara og annarri fræðslustarfsemi fyrir þá.
5. Nefndin skal annast samvinnu við forsvarsmenn fræðslu- mála um útbreiðslu körfuknattleiks meðal skólafólks. Einnig skal hún leita samvinnu við forsvarsmenn sveitar- félaga um að koma upp aðstöðu til iðkunar körfuknatt- leiks.
6. Útbreiðslu og tækninefnd skal annast útbreiðslu körfu- knattleiks meðal yngri aldursflokka s.s. með kvikmynda- sýningu. Nefndin skal aðstoða aðildarfélög KKÍ eftir megni í þessum tilgangi. Nefndin skal undirbúa og annast Minniboltamót í samvinnu við Mótanefnd og forsvarsmenn félaga.
7. Útbreiðslu og tækninefnd skal hafa umsjón með allri almennri útgáfustarfsemi á vegum KKÍ.
8. Framkvæmdastjóri KKÍ er starfsmaður nefndarinnar.
9. Nefndin skal leggja starfsáætlun ásamt áætlaðri fjárhörf fyrir stjórn KKÍ fyrir 1. ágúst.
10. Stjórn KKÍ er skylt að tryggja Útbreiðslu og tækninefnd ákveðna fjárhæð á fjárhagsáætlun til að standa ströum af kostnaði vegna starfsemi nefndarinnar.

REGLUGERÐ FYRIR FJÁRHAGSNEFND.

1. Fjárhagsnefnd skipa þrír menn. Gjaldkeri KKÍ er formaður nefndarinnar. Stjórn KKÍ skipar hina tvo.
2. Nefndin skal hafa yfirumsjón og eftirlit með fjármálum KKÍ og vera stjórninni ráðgefandi um fjármál.
3. Fjárhagsnefnd skal gera tillögur til stjórnar KKÍ um fjárframlög til nefnda sambandsins.
4. Fjárhagsnefnd gerir tillögur um fjáröflun fyrir sambandið og leggur áætlun um framkvæmd hennar fyrir stjórnina.
5. Fjárhagsnefnd skal leggja tillögu að sundurliðaðri fjárhagsáætlun fyrir stjórn KKÍ eigi síðar en 20. ágúst. Við gerð fjárhagsáætlunar skal taka tillit til starfsáætlana nefnda KKÍ.
6. Stjórn KKÍ skal leita umsagnar Fjárhagsnefndar um auglýsingasamninga félaga og sambandsins sjálfs áður en hún afgreiðir þá.
7. Stjórn KKÍ skal leita umsagnar fjárhagsnefndar um öll mál sem varða fjárhagslega afkomu sambandsins eða einstakra félaga þess.
8. Framkvæmdastjóri er starfsmaður nefndarinnar.

REGLUGERÐ FYRIR DÓMARANEFND.

1. Yfirstjórn dómaramála skal vera í höndum þriggja manna nefndar. Nefndin nefndist Dómaranefnd. Stjórn KKÍ skipar tvo menn í nefndina, en starfandi dómara einn. Stjórn KKÍ skipar formann nefndarinnar úr þeirra hópi.
2. Nefndin raðar niður dómurum á alla leiki Íslandsmóts og Bikarkeppni, svo og aðra leiki á vegum KKÍ.
3. Nefndin skipar dómurum í flokka og heldur skrá um alla dómara innan KKÍ og réttindi þeirra.
4. Réttindi dómara eru tvenns konar, 1. flokks dómara og unglíngadómarara. Dómarar í 1. flokki hafa réttindi til að dæma leiki í deildakeppni Íslandsmóts og Bikarkeppni. Ennfremur leiki í úrslitakeppni yngri flokka. Aðrir dómarar sem hafa réttindi teljast unglíngadómarar.
5. Dómaranefnd setur dómurum starfsreglur í upphafi keppnistímabils og kynnir þær félögum KKÍ.
6. Dómarar í 1. flokki skulu vera launaðir. Hvert félag skal greiða dómamefnd ákveðið gjald, Dómaragjald, fyrir hvern leik. Körfuknattleiksping ákvarðar upphæð dómara-gjalds. Félögin skulu greiða dómara-gjöld sín á eftirfarandi hátt:
 - a) Helmingur áætlaðra dómara-gjalda skal greiðast fyrir 20. ágúst.
 - b) Eftirstöðvar dómara-gjalda skal greiða fyrir 1. febrúar.
7. Dómaranefnd skal fyrir 20. ágúst hafa skipað dómurum á einstaka leiki Íslandsmóts. Dómurum og félögum gefst síðan frestur til 5. september til að gera athugasemdir.
8. Geti dómari ekki mætt til leiks sem hann á að dæma skal hann tilkynna dómamefnd það með tveggja sólarhringa fyrirvara. Mæti dómari ekki til leiks án þess að tilkynna Dómaranefnd forföll, eða útvega annan dómara í sinn stað, skal Dómaranefnd sekta hann sem svarar tvöföldum dómara-launum.
9. Dómaranefnd skal í samvinnu við Tækni- og Útbreiðslunefnd fylgjast með nýjungum í dómaramálum erlendis s.s. breytingum á reglum og túlkun þeirra.
10. Dómaranefnd skal vera Útbreiðslu- og tækninefnd til ráðgjafar við dómara-námskeið og útgáfu upplýsinga um dómaramál.
11. Framkvæmdastjóri KKÍ er starfsmaður nefndarinnar.
12. Dómaranefnd eða fulltrúi hennar skal hafa fastan viðtals-tíma á skrifstofu KKÍ á meðan keppnistímabil stendur yfir.
13. Heimilt er að greiða formanni dómamefndar laun ef framkvæmdastjóri getur ekki annað daglegum störfum nefndarinnar. Launin skulu vera ákveðið hlutfall af launum framkvæmdastjóra.

REGLUGERÐ FYRIR LANDSLIÐSNEFND.

1. Landsliðsnefnd skipa þrjú menn. Þeir eru allir skipaðir af stjórn KKÍ. Landsliðsþjálfari og fulltrúi landsliðsmanna sitja einnig fundi nefndarinnar nema hún ákveði annað. Þeir hafa tillögurétt og málfrelsi en ekki atkvæðisrétt nema nefndin ákveði annað.
2. Landsliðsnefnd annast val landsliðs, tilkynnir það leikmanni og félagi hans skriflega og stjórnar undirbúnini o.s.frv.
3. Landsliðsnefnd skal í samráði við stjórn KKÍ semja við önnur lönd um landsleiki og innlend eða erlend lið um æfingaleiki.
4. Landsliðsnefnd skal skipuleggja æfingar landsliðs í samráði við landsliðsþjálfara og fulltrúa féлага.
5. Landsliðsnefnd skal leggja áætlun um starfsemi sína fyrir stjórn KKÍ, ekki síðar en 15. ágúst. Áætlunin skal innihalda landsleiki auk æfinga og æfingaleikja. Einnig skal áætluð fjárförf nefndarinnar.
6. Landsliðsnefnd er heimilt að skipa sérstaka undirnefnd Fjáröflunarnefnd landsliðs, til að annast öflun fjár til starfsemi nefndarinnar. Landsliðsnefnd hefur frjálssar hendur um ráðstöfun þess fjár er þannig aflast til greiðslu á kostnaði vegna starfa nefndarinnar.
7. Landsliðsnefnd skal einungis annast þau mál, sem snúa beint að undirbúningi landsliðs fyrir landsleiki. Stjórn KKÍ skal annast alla umsjón landsleikja sem Ísland tekur þátt í innanlands og utan og bera kostnað af þeim.
8. Stjórn KKÍ skal tryggja landsliðsnefnd ákveðna upphæð til starfsemi nefndarinnar á fjárhagsáætlun.
9. Framkvæmdastjóri KKÍ er starfsmaður nefndarinnar.

REGLUGERÐ FYRIR MÓTANEFND.

1. Mótanefnd skipta 3 menn. Allsherjarnefnd tilnefnir 2 nefndarmenn. Framkvæmdastjóri KKÍ er formaður nefndarinnar.
2. Mótanefnd skal í samræmi við gildandi reglur hafa á hendi yfirstjórn og eftirlit með framkvæmd Íslandsmóts, Bikarkeppni KKÍ og keppni í Minnibolta.
3. Verkefni mótanefndar er:
 - a) að gera tillögur að deildarskipulagi.
 - b) að gera tillögu að leikjafyrirkomulagi í samráði við framkvæmdaaðila í héraði. Ef lið í Úrvalsdeild karla eða í 1. deild karla eða kvenna þarf að leika heima-leik utan héraðs, skal Mótanefnd annast framkvæmd þeirra.
 - c) að taka ákvörðun um frestun og niðurfellingu leikja.
 - d) að skoða og samþykkja leikvelli og gera tillögur um nauðsynlegar úrbætur þeirra.
 - e) að banna notkun leikvalla, ef nauðsyn krefur.
 - f) að samræma keppnisdaga, svo íþróttaviðburðir falli eigi saman að nauðsynjalausu.
 - g) að gera tillögu að leikjaskrá til stjórnar KKÍ. Stjórn KKÍ sér um útgáfu leikskrár og innheimtu þátttökugjalda.
4. Mótanefnd auglýsir eftir þátttökutilkynningum fyrir Íslandsmót, Bikarkeppni KKÍ og Minniboltamóti og tekur á móti þeim eða veitir framkvæmdaaðila í héraði (svæðanefnd) umboð til þess.
5. Þátttökutilkynningum til Íslandsmóts skal skila til Mótanefndar fyrir 1. ágúst sbr. 27. gr. reglugerðar um Körfuknattleiksmót. Þátttökutilkynningar skulu vera skriflegar. Sama gildir um sérstakar óskir sem félögin vilja koma á framfæri. Mótanefnd sendir út uppkast að leikjaskrá fyrir 20. ágúst. Félög hafa frest til 5. september til að skila athugasemdum og draga flokka úr keppni. Mótanefnd skilar stjórn KKÍ endanlegri tillögu að leikjaskrá fyrir 20. september. Stjórn KKÍ annast útgáfu leikjabókar og innheimtu þátttökugjalda.
6. Mótanefnd er heimilt að skipa sérstakar svæðisnefndir. Svæðisnefndirnar eru skipaðar einum fulltrúa frá hverju félagi á svæðinu. Svæðisnefndirnar eru undirnefndir Mótanefndar og starfa í umboði hennar. Svæðisnefndirnar skulu skipa þriggja manna framkvæmdanefnd, sem sjái um framkvæmd svæðismóta.

7. Boða þarf til leiks með sannanlegum hætti, með minnst viku fyrirvara. Mótanefnd er skylt að tilkynna breytingar á leikskrá með sannanlegum hætti. Ef boða þarf til leiks vegna breytinga á mótaskrá skal það gert með minnst viku fyrirvara.
8. Félög skulu tilnefna sérstakan mann, samstarfsmann til að annast samskipti við mótanefnd. Samstarfsmenn skulu hafa aðgang að síma, svo unnt sé að ná sambandi við þá með stuttum fyrirvara. Félögin skulu tilkynna mótanefnd nöfn, heimilisföng, heimasíma og vinnusíma samstarfsmanna sinna.
9. Mótanefnd eða fulltrúi hennar skal hafa fastan viðtals-tíma á skrifstofu KKÍ á meðan keppnistímabil stendur yfir.
10. Framkvæmdastjóri KKÍ er starfsmaður nefndarinnar.
11. Heimilt er að launa formann mótanefndar ef framkvæmdastjóri getur ekki annað daglegum störfum hennar. Launin skal ákvarða sem ákveðið hlutfall af launum framkvæmdastjóra.
12. Mótanefnd er heimilt að skipa undirnefndir til að annast sérstök verkefni eins og framkvæmd Minniboltamóts.
13. Öll málefni sem samkvæmt gildandi reglum eiga að ákvarðast af stjórn KKÍ skulu send stjórninni til umsagnar áður en mótanefnd afgreiðir málið.
14. Mótanefnd skilar skýrslu um starfsemi sína til stjórnar KKÍ þremur vikum fyrir Körfuknattleiksping.

STARFSREGLUR FYRIR AGANEFND

1. grein

Starfsvið nefndarinnar

Verksvið aganefndar er að fjalla um eftirfarandi brot:

- a) Óþrúðmannlega framkomu.
- b) Óhæfileg mótæli og mótþrói við dómara fyrir, í og eftir kappleik.
- c) Ógnun eða árásir á starfsmenn leikja eða dómara fyrir, í eða eftir kappleik.
- d) Sérlega grófan leik eða ofbeldi.
- e) Óreglusemi.
- f) Skríslæti áhorfenda og áhengenda liða.

2. grein

Skipun nefndarinnar

Aganefnd er skipuð 3 mönnum og 1 til vara.

Árspaning KÍ kýs einn nefndarmann hvert ár til þriggja ára og gengur jafnframt úr nefndinni sá er lokið hefur þriggja ára setu og verður hann jafnframt varamaður í eitt ár. Óhlutgengir til setu í nefndinni eru starfandi dómarar, liðsstjórar, leikmenn og þjálfarar.

Verði nefndarmaður óhlutgengur á kjörtímabilinu tekur varamaður sæti hans og kýs næsta þing aukamann vegna þess, til þess ára-fjölda, sem sá er úr nefndinni vék átti eftir af kjörtímabili sínu. Vanti mann í nefndina milli þinga, vegna forfalla eða slíkra óhlutgengi, skal dómstóll KÍ skipa nýjan mann eða menn í nefndina til setu fram að næsta ársþingi KÍ.

3. grein

Aðilar sem heyra undir nefndina

Eftirtaldir aðilar falla undir reglur þessar, þegar þeir taka þátt í, eða koma fram vegna kappmóta og í tengslum við aðra atburði tengda körfuknattleiksíþróttinni:

Leikmenn, starfsmenn leikja, dómara, þjálfarar, liðsstjórar, forystumenn félaga og íþróttasambanda, áhangendur félaga, þátttakendur í keppnisferðum félaga og ferða á vegum KKÍ eða héraðssambanda.

4. grein

Hverjir mega kæra

Eftirtöldum aðilum er heimilt að kæra:

Dómara og starfsmenn leikja, þátttakendur í ferðalögum á vegum félaga, KKÍ eða héraðssambanda.

Umsjónarmenn íþróttamannvirkja og íþróttahúsa.

Forystumenn félaga og fararstjórar ferðalaga á vegum félaga,

Liðsstjórar vegna frámkomu dómara, starfsmána, áhorfenda eða mótherja fyrir, í eða eftir kappleiki.

Stjórn KKÍ vegna brota skv. liðum lc, ld, le og lf.

5. grein

Form kæru og kærufrestur

Kæru skal rita á þar til gert eyðublað, sem stjórn KKÍ gefur út. Framkvæmdaaðilar móta skulu sjá um að slík eyðublöð séu fyrirliggjandi á keppnisstað. Jafnframt liggja slík gögn frammi á skrifstofu KKÍ.

Kæri dómari eða starfsmaður leiks leikmann vegna atburðar fyrir, í, eða rétt eftir leik, skal athugasemd um kærana rituð á bakhlið afrits viðkomandi félagsaf leikskýrslu.

Kæru skal komið á framfæri á sannanlegan hátt við aganefnd eða framkvæmdastjóra, eða formann KKÍ á fyrsta vinnudegi eftir að hið kærða atvik átti sér stað. Jafnframt skal koma vitneskju um kærana til hins kærða eða félaga hans.

Kærum vegna atviks á ferðalögum skal koma á framfæri á framan- greindan hátt, fyrsta vinnudag eftir heimkomu þess er kærir. Móttaki framkvæmdastjóri eða formaður kærana, skal hann koma henni á framfæri við aganefnd innan 24 stunda. Stjórn KKÍ hefur 10 sólarhringum lengri kærufrest, en að framan eru taldir.

6. grein

Meðferð mála fyrir nefndinni

Aganefnd skal kveða upp úrskurð sinn innan 3 sólarhringa frá því að henni berst kærana. Munnlegur málflutningur skal heimill í öllum málum, þar sem refsing getur varðað leikbanni eða fjársektum.

Vilji aðilar nota sér málflutningsrétt sinn, framlengist framan- greindur úrskurðarfrestur í 4 sólarhringa.

Aðila skal kveða til með 24 klst. fyrirvara.

Séu mál flókin og málflutningur langvinnur, getur aganefnd sótt um framlengingu á úrskurðarfresti, enda varði brotið ekki leikbanni með félagsliði. Úrskurðarvald um slíkan frest er í höndum dómstóls KKÍ.

7. grein

Refsingar

Refsingar skulu vera sem hér segir:

Við brot skv. 1a og 1b.

- | | |
|---------------|-----------------------|
| 1. og 2. brot | áminning. |
| 3. brot | leikbann í einn leik. |
| 4. " | leikbann í einn leik. |
| 5. " og áfram | leikbann í tvo leiki. |

Við brot skv. 1 c.

- | | |
|---------------|---|
| 1. brot | áminning <u>eða leikbann í einn leik.</u> |
| 2. " | leikbann í einn leik. |
| 3. " og áfram | leikbann í þrjá leiki. |

Mjög alvarlegum brotum má refsa með sviptingu keppnisleyfis í lengri tíma jafnvel ævilangt.

Við brot skv. 1d.

- | | |
|---------|-------------------------|
| 1. brot | leikbann í einn leik. |
| 2. " | leikbann í 2 - 5 leiki. |

Ef um slagsmál og ofbeldi er að ræða.

- | | |
|--------------|-------------------------|
| 1. brot | leikbann í tvo leiki. |
| Viðbótarbrot | leikbann í 3 - 6 leiki. |

Mjög alvarlegum ofbeldisbrotum má refsa með sviptingu keppnisleyfis í lengri tíma, jafnvel æfilangt.

Við brot skv. 1e.

Áminning, leikbann í úrvals- eða landsleikjum, fjársektir eftir alvarlegri brot.

Við brot skv. 1f.

Áminning, svipting heimaleiks, skylda um löggæslu á leikjum, fjársektir.

Þar sem rætt er um 1. brot, 2. brot o.s.frv. ber einungis að telja þau brot sem dæmd hafa verið af aganefnd. Ítrekunaráhrif verka innbyrðis vegna brota skv. liðum b,c og d. Úrskurði aganefndar verður ekki áfrýjað.

Refsingar aganefndar er aðeins hægt að taka út í leikjum Íslands- mótis, bikarkeppni Reykjavíkurmótis eða hliðstæðra móta og öðrum opinberum keppnum viðurkenndum af stjórn KKÍ.

Þegar leikmaður má leika með fleiri en einum flokki, tekur leikbannið einungis til leikja í þeim flokki sem brotið var framið í.

Heilt lið brýtur af sér ef það yfirgefur leikvöll í mótmælaskyni áður en leik er lokið, eða neitar að halda leik áfram.

Refsing við því getur orðið brottrekstur úr keppni og fjársektir, auk þess, sem körfuknattleiksreglur segja til um.

Brot framin á einu leiktímabili hafa ekki ítrekunaráhrif til þess næsta, nema þau er varða lið 1c og 1d.

Leiktímabilið telst frá 1. ágúst til 31. júlí.

Leikmaður sem virðir leikbann að vettugi, er ólöglegur með liði sínu og er leikur sjálfkrafa tapaður því liði sem teflir fram